

Mbanjvuengzlingz miz daegcoz ndeu heuhguh Ahgauh. Bi 1990 seizdoeng, yah Ahgauh yaek seng lwg lo. Bohmeh de sim'angq dangqmaz, caj dwk umj lan. Yah de hix gig vuenheij, hwnzgoenz cimq youq aen dungx swheij.

Miz ngoenz he, daxmeh doiq Ahgauh naeuz: "Dahbawx ndang yaek mbaeu lo, mbanj raeuz liz yihyen gyae, mwngz lijdwg daiq de bae yihyen gonq ba?" Ahgauh naeuz: "Mbouj youq-gaenj, ngoenzseng caengz daemx, gvaq geij ngoenz menh bae. Gou gaenq caeuq geij boux canghyw gangj gvaq gienh saeh neix."

Byawz rox daengz ngoenz daih-ngeih gyanghwnz 11 diemj, sawq-mwh gvat rumz hung, ci ndaej vax gwnz ranz fan haujlai. Fwn mbwk hix gaen dwk cung roengzdaeuj. Couh youq seizneix, yah Ahgauh heuh dungx in, yied heuh sing yied hung. Daengx ranz vunz gip ndaej lumj moed youq gwnz gva remj. Daxmeh doiq Ahgauh naeuz: "Mwngz vaiq bae heuh canghyw, gizlawz gaenh couh sien bae gizlawz. Raeuz hix mbouj rox dwg mbouj dwg nanzseng. Vaiq di!"

Ahgauh dawz ndei dendungz caeuq fagliengj, gipmuengz okdou. De soemh fwnrumz vaiq byaij 4 leix loh couh daengz najdou Se canghyw Mbanjag lo. De roq dou heuh: "Se canghyw, gou dwg Ahgauh, cingj hai dou……" De laebdaeb heuh ndaej geij faen cung, mbouj nyi baihndaw miz saek sing. De ngeix, haxbaenh cigsoh bae Mbanjleuh lij lai vaiq bw! Se canghyw 60 geij bi lo, lumj cungj dienheij neix, de wnggai mbouj bae dajyw lo.

Siengj daengz neix, de sikhaek

Byawz Heuh Dou Guh Canghyw

谁让我们当医生

□ Hoz Cunghliuj / 何宗柳

buert bae Mbanjleuh. Canghyw Mbanj-leuh dinglingz mbouj youq ranz. Ahgauh gip ndaej lumj feiz coemh bwnda, de youh soemh fwn max mbouj dingz ve ganj bae Mbanjhawceih. Daengz naj dou Cieng canghyw le, de roq dou heuh, gangj mingz laizyouz. Geij faen cung gvaqbae lo, mbouj miz vunz daeuj hai dou. Ahgauh aeu dendungz rongh gwnz rongh laj, raen henz dou hung gwnz baiz ndeu sij naeuz "Canghyw mbouj youq ranz, ngoenzrawz de cij dauq". Ahgauh ngonz le, cibfaen sim gip, de gag naeuz: "Caen boihseiz, vaiq daj loh iq ganj baema, heuh ndaw mbanj yahlaux lai rox haenx daeuj ciepseng."

De gangj sat couh con haeuj ndaw fwn bae moq. Youq gwnz loh, de deng rumz ci fwn soen, yamq daemq yamq sang caenxgengeng, buhvaq dumz caez. De gag danqheiq naeuz: "Hai, mbouj dingq bouxlaux gangj, dangqnaq couh gwnvi. Swheij sinhoj mbouj youqgaenj, mingh song mehlwg dijbauj lai bw! Naengh ok maz saeh mbouj ndei, baenzlawz guh ne?"

Ahgauh byaij ndaej aen cung-daeuz lai cij daengz mbanj. De bae ra boux yahlaux caeuq de dauq ranz.

Gyoengqde baez haeuj ranz couh dingqny "Vuh va, vuh va……" sing lwgnding daej, de cij raen ndaw ding caux miz bo feiz ndeu, Se canghyw caeuq Cieng canghyw geij boux vunz cingq naengh byoq feiz. Cieng canghyw raen de dauq, angq naeuz: "Ahgauh, gou ngamq ciepseng sat, yah mwngz gaenq seng daeglwg ndeu, hoh mwngz baenz boh lo. Yienznaeuz dwg nanzseng, hoeng seizneix song mehlwg bingzan fouzsah. Buhvaq mwngz dumz lo, bae vuenh gonq caiq daeuj umj lwg."

Ahgauh gikdoengh ndaej gangj mbouj ok saek coenz vah. De rieg buhvaq ndei bae yawj yah caeuq lwg liux couh daeuj henz feiz naengh. Cieng canghyw naeuz: "Se canghyw, rox mwngz youq neix, gou couh mbouj yungh daeuj lo." Se canghyw riu naeuz: "Mbouj youqgaenj, mwngz daeuj ndaej gib, ciepseng lijdwg sou mehmwbk lai ak. Gizsaed, gou ngamq ninz ndaej cit ci ien seizgan ndeu, Ahgauh couh daeuj roq dou ranz gou. Gou siengj, fwnrumz hung, youh nit, swheij 60 geij bi lo, mbouj bae, byawz hix gvaq mbouj ndaej. Ahgauh lizbae yaep he, gou youh ngeix, mbouj deng, yw bingh gouq vunz dwg saeh bonjeik canghyw.

Byawz heuh dou guh canghyw? Gou couh hwnqdaeuj daenj ndei haizgau caeuq buhfwn, beq loengxyw rongh dendungz ganj daeuj lo."

Cieng canghyw hix riu naeuz "Dwg a, byawz heuh dou guh canghyw? Wnggai seiz heuh seiz daemx. Geij ngoenz gonq gou cingqngamj okrog bae banhsaeh, guh ndaej vaiq, banhaemh neix couh dauq ranz lo. Ahgauh bae heuh, gou baez dingq, ganj mbouj gib dap de, couh hwnqdaeuj sousib doxgaiq yaek daeuj. Ok dou gaenq mbouj raen de lo. Gou couh heuh daeglwg gou aeu mozdozceh doz gou daeuj neix lo."

Ahgauh dingq le, gikdoengh fanhaen, gyo' mbaiq dwk naeuz: "Gig docih sou, sou dwgrengz lo. Vah gyaundeit gou hix mbouj rox gangj lai. Gou doq loengh di haexbyaek, raeuz itheij gwn siueh!"

Rog ranz, fwnrumz doxgyaux, mbwn nit deih gyoet. Ndaw ranz, raeuj lumj seizcin. Seizneix, daengding ndaw rug youh "vuh va……vuh va……" dwk ciengqgo hwnjdaeuj, lumjbaenz danq daxmeh caeuq canghyw daiq de daeuj aen gwnz-biengz ronghsaksak neix.

Riunyumj

微笑

□ Vangz Fungmingz / 黄凤明

Moix ngoenz gou cungj yawjraen gij riunyumj daxboh, daxmeh, lauxsae caeuq beixnuengx daengj vunz. Hoeng, aen riunyumj Siz cujsiz hawj gou nanzlumz.

Gou maij dingq sinhvwnz doengzseiz cienjboq, miz baez ndeu, Siz cujsiz riunyumj dwk gangj naeuz: "Raeuz yaek aeu haenqrengz gaenx guh, mbaet gwn mbaet yungh, vih saedyienh aen siengjmuengh Cung-guek hungmbwk raeuz guh ndei caepcawq."


Gou naemj haujlai nanz, lij caz gak cungj gak yiengh swliu, gou rox lo: Siengjmuengh dwg diuz bien max baenaj, hix dwg aen rengzdoengh. Boux vunz raeuz danghnaeuz mbouj miz lijsiengj, couh mbouj rox swheij cingq guhmaz, aen minzcuZ dangh-naeuz mbouj miz lijsiengj, hix mbouj miz roennaj.

Gou maij fangzhwnz, gyaec

yiengjsouh fangzhwnz geizheih, gou cungj loq raen gou rox mbin, mbin gvaq byai bya caeuq gwnz dah; gou loq raen duj va'ngaeux lai lumj haij, gvangq mbouj raen henz; ceiq nanzlumz dwg loq raen aen daeng-ngoenz hoengzfwtfwt menhmenh swng hwnjdaeuj……

Gou baez roxnyinh, mbouj guenj baenzlawz haemzhoj, cijaeu gou miz saenqsim genhding, gou miz lijsiengj, gou lij lau ndaek maz ne? Mbouj ginggvaq rumz fwn, baenzlawz yawj-raen duzdoengz. Ndoj youq ndaw fwn-rumz, mboujyawx youq ndaw diuqfoux, hawj fwnrumz guh buenx. Cangndang yaek hwnjdin, raeuz yaek mbei hung bae naemj, mbei mbwk bae guh, vih ngoenzlaeng guekcoj raeuz hungmbwk okrengz, hawj Cungguek raeuz duz-lungz baihdoeng bonghmbin youq seiqqyaiq.

Aen riunyumj Siz cujsiz hawj gou



Mbwn lanz raemx saw gyoengq bya mbwk.

nanzlumz lij dwg aenvih de hawj gou siengj hwnj gij vah Siz cujsiz. Gij vah de ciengzseiz nyoengx hwnj gou baenzlawz youq aen gangjvei bingz-ciengz guh ok aen cwngzciz mbouj bingzciengz daeuj. Gou ciengz gaenx hag lai lienh, muengh swheij ciuhvunz mbouj beg lix.

Vahsug gangj naeuz "Go faex ndeu mbouj baenz ndoeng". Gou roxnyinh yaek saedyienh aen siengjmuengh Cungguek hungmbwk

raeuz, gag baengh gou boux vunz ndeu itdingh guh mbouj ndaej, aenvih neix mbouj gag dwg aen lijsiengj gou ndwi, engq dwg aen lijsiengj mwngz, aen lijsiengj de, aen lijsiengj gyoengq lwglwg lanlan Cungguek, nyienh raeuz daiq aen lijsiengj Cungguek raeuz, haenqrengz buek guh, hawj guekgya raeuz engq fouqgiengz, engq fouq-miz!

Gou seizseiz geiq gij riunyumj Siz cujsiz youq ndawsim.